



**PREGO DE PRESCRICIÓN TÉCNICAS PARTICULARES PARA O ALLEAMENTO DE APROVEITAMENTOS
MADEIREIROS (A RISCO E VENTURA , CLARAS)**

I. ELEMENTOS DO CONTRATO

1.- ÁMBITO DO PREGO

- 1.1 O presente Prego rexerá na execución do aproveitamento que se describe no artigo 2º. No non recollido expresamente polo presente prego, cumprírase o disposto no Prego Xeral de Condicións Técnico Facultativas (Resolución do 24-4-75, BOE do 20-8-75), no Prego Especial de Condicións Técnico Facultativas para Aproveitamentos madeirable (Resolución do 6-5-75, BOE do 21-8-75), no Decreto 244/1998 de 24 de xullo (DOG Nº159 de 18-08-98), na Orde de 8 de setembro de 1998 (DOG Nº 180 de 16-09-98) que desenvolve o Decreto 244/1998, ou na Lei 7/2012, do 28 de xuño, de montes de Galicia (DOG Nº 140 de 23-07-2012).
- 1.2 Entenderase por persoal responsable do control do aproveitamento, ao persoal do Servizo de Conservación da Natureza, nomeadamente técnicos e axentes responsables da xestión dese monte, sen prexuízo de que a Administración forestal puidera designar a outras persoas.

2.- OBXECTO E CARACTERÍSTICAS DO APROVEITAMENTO

- 2.1.- Os produtos a que se refire o presente Prego de Prescricións Técnicas Particulares son os procedentes do aproveitamento dos pés correspondentes ao lote **02**, vinculado ao expediente **360519400002** _____, nunha superficie aproximada de **14,08** hectáreas, que se representan no croquis adxunto a este Prego, do monte **Outeiro de Nuño e Fontenla (MUP 526/529)** pertencente á **Entidade Local Menor de Pazos de Reis (Tui)**.
- 2.2.- Características do aproveitamento.

Motivo da corta:	Corta final
Localización:	En pé
Cousa certa*:	643 pés
Especie/s:	<i>Pinus pinaster</i> Ait.
Volume:	1.060 m ³ .c.c
Prezo unitario:	30,52 €/m ³ .c.c
Prezo base de taxación:	32.373,48 €
Prazo de execución:	12 meses
Posibilidade de aproveitamento**:	
-extracción de restos	SI <input type="checkbox"/> NON <input checked="" type="checkbox"/> CON CONDICIÓNS <input type="checkbox"/>
-trituration de restos	SI <input checked="" type="checkbox"/> NON <input type="checkbox"/> CON CONDICIÓNS <input checked="" type="checkbox"/> (ver apartado restos de corta)

*Nota: A cousa certa será sempre o número de pés, agás si se trata de claras nas que non se poida asegurar con certeza absoluta o número de pés, como consecuencia da estimación estatística de puntos de mostraxe.

**Nota: estarase ao disposto no apartado 7





3.- MODALIDADE DE ENAXENACIÓN

3.1.- A enaxenación do aproveitamento a que se refire este prego realízase a **risco e ventura**.

A enaxenación será da madeira en pé con cortiza, polo que todas as operacións de derribo, arrastre, saca, etc. serán por conta do adxudicatario.

II. FORMA DE REALIZAR O APROVEITAMENTO

4.- INSPECCIÓN DO APROVEITAMENTO

- 4.1 A execución do aproveitamento será controlada e inspeccionada polo persoal técnico forestal do parque natural do Monte Aloia en colaboración coa Administración Forestal de Pontevedra, organizando os sistemas de control que se consideren adecuados para acadar os fins do mesmo. Ás súas observacións ou indicacións deberán aterse o adxudicatario e os seus operarios.
- 4.2 O adxudicatario e os seus operarios estarán obrigados a non poñer dificultade algunha para que, polo persoal da Administración forestal do parque do Monte Aloia, se practiquen recoñecementos e operacións que se encamiñen a comprobar a correcta execución do aproveitamento se consideren convenientes.

5.- FORMA DE REALIZAR A CORTA

5.1 Corta

5.1.1 A corta a realizar farase será:

- O lote (lote 2 do plan anual 2018) está constituído por 643 pés de *Pinus pinaster* en estado verde para a súa corta final

- A parcela está definida pola súa correspondencia co rodal **1001, 1104, 1106 e 1107** do Proxecto de Ordenación do Parque Natural do Monte Aloia na súa revisión do ano 2010. A corta aparecería no Plan especial do citado proxecto como **corta final**.

Poderanse abrir trochas coa anchura imprescindible para a saca da madeira distanciadas entre 20 e 30 metros, debendo contar cada unha delas para a súa realización coa autorización correspondente, de acordo coa lexislación forestal e de conservación da natureza. Excepcionalmente poderase autorizar un menor distanciamento entre trochas e sempre por causa xustificada.

5.1.2 A corta dará comezo no lugar que designe o persoal técnico forestal do parque natural do Monte Aloia. Unha vez iniciado o aproveitamento, a corta deberá realizarse nunha superficie continua, salvo autorización do técnico forestal.





Establecerase a criterio do técnico responsable o número determinado de exemplares de frondosas a conservar, así como de pés mortos, sendo neste último caso indicativo a cifra de 1-3 pés/ha. Todo isto quedará condicionado a que, razóns fitosanitarias ou de risco de incendios, fagan máis recomendable o seu aproveitamento.

- 5.1.3 O Adxudicatario está obrigado ao aproveitamento dos fustes das árbores ata un diámetro en punto delgada de 6 cm para trozas dunha lonxitude mínima de 2 metros.

A altura do tocón non sobrepasará dos 10 cm, medidos na dirección superior da pendente.

- 5.2 O adxudicatario está obrigado a respectar as condicións que para o derribo e desembosque da madeira se establezan sobre o terreo, por parte do Administración Forestal, co gallo de evitar a erosión superficial, e procurar a conservación, na medida do posible, da rexeneración natural que puidera existir, e o arborado que deba permanecer.

A apertura de vías secundarias de saca e o emprazamento dos cargadoiros que se consideren necesarios haberán de ser propostos aos técnicos da administración forestal, e aprobados por éstos.

- 5.3 O adxudicatario é responsable de calquera alteración que se produza nas sinais que se sitúen para a demarcación da zona do aproveitamento.

6.- DESEMBOSQUE E SACA DOS PRODUTOS

- 6.1 O desembosque efectuarase a través da zona de corta en caso de incendio, pragas, enfermidades, e temporal, e a través da zona sinalada no croquis segundo se indique polo persoal da Administración, en caso de que o motivo da corta sexa unha clara, podéndose realizar fóra da mesma en ocasións puntuais, e sempre previa autorización.

Para a saca e transporte dos produtos, o adxudicatario poderá utilizar os cargadoiros, veredas, arrastraderos e vías existentes, sen producir danos ao arborado que non sexa obxecto do aproveitamento. Se precisara reparalos ou construír outros novos será necesaria a autorización da Administración, e en todo caso ficarán a favor da Entidade propietaria do monte.

Tanto as pistas, incluídas foxos (cunetas) e pasos de auga, como os cargadoiros, deberán quedar limpos de toda clase de residuos e restos de corta. As pistas deberán estar transitables e cos pasos de auga e foxos limpos para evitar estragos nas mesmas, durante o tempo que dure o aproveitamento.

Como regra xeral, evitárase a trituración de restos en pistas, agás que a Administración Forestal, o autorice expresamente. Neste caso, para permitir o paso da auga e co obxecto de que o sistema de drenaxe das pistas non se vexa afectado (calzada, foxos, pasos de auga, taxeas, etc), non poderán quedar restos do triturado en ditas pistas.

- 6.2 O adxudicatario non poderá interromper o uso de camiños e pasos para o gando, nin opoñerse ao cruce das sendas ou camiños que o persoal responsable, xulgue necesarios para o bo aproveitamento do monte.

Ao remate do prazo da adxudicación, o adxudicatario deberá deixar as pistas utilizadas en boas condicións de uso a xuízo do persoal da Administración Forestal. No caso de que no uso dunha mesma pista coincidan varios adxudicatarios, a Xefatura do Servizo Provincial de Montes xunto coa Administración do parque natural do Monte Aloia, fixará a parte proporcional que poida corresponder a cadanseu nos gastos ou traballos de reparación.





7.- RESTOS DE CORTA

7.1.- De forma xeral, a realización dos aproveitamentos madeireiros implicará a extracción ou a trituración da biomasa forestal residual total da superficie do aproveitamento.

Nomeadamente e á fin de garantir o éxito da rexeneración natural que poida existir, os traballos de trituración poderán ser modificados polo Administración forestal, sempre e cando non supoña un aumento da superficie a triturar.

En caso de lotes que acaden unha duración do aproveitamento superior aos 12 meses, a Administración Forestal poderá determinar os prazos nos que se deberán acometer os traballos de trituración de restos, co obxectivo de salvagardar o rexenerado que se vaia producindo e non estragalo por un aproveitamento tardío que implique o paso por riba do mesmo.

7.2.- Os restos de corta ou poda de dimensión inferior a 3 centímetros de diámetro poderán deixarse ben amoreados en cordóns distanciados non menos de 10 metros, preferentemente por curvas de nivel, ou ben distribuílos polo monte tentando no posible que a súa distribución sexa homoxénea e que sexan desmenuzados polo paso da maquinaria. En calquera caso deberán ser picados de tal forma que nunca sobrepasen os 50 cm de lonxitude.

7.3.- Ao atoparse o lote en Zona Demarcada pola corentena do nematodo do piñeiro *Bursaphelenchus xylophilus* (Steiner el Buhrer) Nickle et al., deberase cumprir a normativa vixente en relación á xestión de restos.

8.- INCENDIOS

8.1 Adoptaranse as precaucións necesarias para evitar que se produzan incendios forestais.

8.2 No caso de detectar a aparición dun incendio, deberase chamar ao teléfono 085.

8.3 Se dito incendio se produce no monte onde se realiza o aproveitamento ou en superficie limítrofe, o persoal que realiza o aproveitamento estará obrigado a poñerse a disposición da Administración forestal se esta lle comunica que precisa da súa cooperación nos traballos de extinción.

9.- OUTRAS CONDICIÓNS

9.1 O aproveitamento realízase no ámbito territorial do Parque Natural do Monte Aloia, polo que cumprirá a terse ao prescrito na súa lexislación específica, así como a lexislación correspondente aos espazos da Rede Natura 2000.

9.2 A Administración Forestal poderá elixir algunhas árbores con obxecto de realizar estudos dendrométricos. O seu número non superará en ningún caso o cinco por cen do total das árbores a apear. O adxudicatario deberá apear estes pés cando se lle ordene. Unha vez realizados os estudos poderá aproveitálos sen que poida reclamar sobre o estado no que se atopan.

9.3 En todo momento respectarase a lexislación aplicable, especialmente no que se refire á normativa vixente de seguridade e saúde.





- 9.4 O Adxudicatario adoptará as medidas necesarias para minimizar ou, de ser posible, evitar danos ao terreo causados pola maquinaria e, de ser o caso, procederá a súa reparación.
- 9.5 Cando o lote de madeira se atope incluído no SXFSXU:
- 9.5.1. O adxudicatario deberá cumprir co establecido no Manual de boas prácticas na xestión forestal sostible.
- 9.5.2. En calquera momento o persoal responsable, poderá solicitar os documentos que acrediten a contratación dos operarios que se atopen traballando na unidade de xestión.
- 9.5.3. A empresa adxudicataria, no prazo máximo dun mes tras a Acta de Entrega do lote, deberá remitir ao persoal responsable, unha comunicación co número de persoas empregadas, diferenciando homes e mulleres, e a formación específica recibida, así como informar dos accidentes graves que se poidan ocasionar durante a execución do aproveitamento.
- 9.6 En calquera momento o representante da Administración poderá solicitar os documentos que acrediten a contratación dos operarios que se atopen traballando na unidade de xestión.
- 9.7 Ao atoparse o lote en Zona Demarcada pola corentena do nematodo do piñeiro *Bursaphelenchus xylophilus* (Steiner el Buhner) Nickle et al., deberase cumprir a normativa vixente, con especial atención á xestión de restos.

10.- PROHIBICIÓNS EXPRESAS

- 10.1 O adxudicatario non poderá impedir a execución dos demais aproveitamentos, distintos dos a el adxudicados, nin a dos traballos de mellora ou de calquera índole que no mesmo se realicen pola Administración forestal, xa se executen por administración ou por calquera outro sistema de contratación.
- 10.2 Igualmente deberá respectar as servidumes que estean establecidas.
- 10.3 Non poderá o adxudicatario aproveitar as árbores, arbustos ou matorrais non incluídos nos aproveitamentos adxudicados, nin sequera para utilizalos en traballos complementarios deste.
- 10.4 Non se poderán realizar traballos nocturnos, nin en domingos ou días festivos.
- 10.5 Está terminantemente prohibido prender lume no monte en épocas de risco de incendio. Fóra das épocas de risco, estarase ao disposto na lexislación de incendios, e en especial respecto a autorizacións e comunicacións de queima.
- 10.6 Queda prohibida a acumulación incontrolada de residuos (latas de aceite, latas de combustible, plásticos, etc),debedo proceder o adxudicatario a retirar todo tipo de residuos que xere e a deixar o monte nas mesmas condicións que estaba antes do aproveitamento.
- 10.7 Queda prohibida, consonte o apartado w do artigo 128 da Lei 7/2012, de montes de Galicia; a alteración de sinais de amolloamento que delimiten un monte público, ou veciñal en man común. Esta infracción será tipificada como moi grave, cando a alteración de sinais de amolloamento impida a determinación sobre o terreo dos lindes legalmente establecidos





- 10.8 Queda prohibida, a sinalización mediante a acción de cravar ou esgazar con calquera elemento, manual ou mecánico, as árbores que non sexan obxecto de aproveitamento. (Artigos 88 e 128 da Lei 7/2012, de montes de Galicia)

11.- VENDA OU SUBARRENDO DO DISFRUTE

- 11.1 Se o adxudicatario vendese no monte os produtos do aproveitamento ou subarrendase, poñerá en coñecemento da Xefatura do Servizo Provincial de Montes e proverá ao comprador ou subarrendador do documento que o acredite como tal. O comprador ou subarrendador ficará obrigado ao cumprimento de todas as condicións deste prego; este feito non eximirá ao adxudicatario da responsabilidade correspondente a todos os danos que se produzan no monte.

12.- PRAZO DE EXECUCIÓN

- 12.1 O adxudicatario queda en liberdade para realizar as diferentes operacións na época que máis conveña aos seus intereses pero sempre dentro do prazo fixado para realizar o aproveitamento, sen prexuízo do disposto no apartado 9.6.
- 12.2 O apeo deberá estar ultimado aos **12** meses contados a partires do día seguinte ao da sinatura da acta de entrega, e a retirada da totalidade dos produtos nun prazo dun mes a partires de que se dea por rematado o apeo.
- 12.3 Rematado o prazo para a execución dos aproveitamentos, perderá o adxudicatario, sen dereito a indemnización algunha os produtos non aproveitados ou non extraídos do monte, aboando ademais o importe dos danos e prexuízos causados.
- 12.4 O incumprimento de calquera das condicións anteriores será causa suficiente para declarar a resolución do contrato establecido en virtude da adxudicación definitiva, ordenándose a retirada da licenza concedida, sen prexuízo das sancións que estipula o apartado ñ.5 do artigo 128 da Lei 7/2012, de montes de Galicia.

Pontevedra,
Vº e Prace:

A xefa do Servizo de Montes

Amalia Elsa pazos Pintos

**O xefe de área técnica
do Servizo de Patrimonio Natural**

Arsenio Morillo Rodríguez

Acepto: O adxudicatario

NOME:

DNI:

DATA RECIBIN:

